

# WARSIDAHA DOORASHADA

WEB: [www.niec.so](http://www.niec.so) | MAIL: [info@niec.so](mailto:info@niec.so) | FACEBOOK & TWITTER: NIECSomalia | CIWAANKA: Villa Somalia, Mogadishu - Somalia



Guddiga Madaxabanaan ee  
Doorashooyinka Qaranka  
**SEBTEMBAR & OKTOOBAR 2020**  
Warside Nuqulkii 7aad



GMDQ OO SHAHAADOYIN KU-MEEL GAAR AH GUDDONSIIYEE XISBIYO CUSUB

## GMDQ oo Shahaadooyin ku-meel gaar ah Guddonsiiyey Xisbiyo Cusub

Oktoobar 7, 2020 - Xaafiska Diiwaan-geliyaha Xisbiyada Siyaasadda ee GMDQ ayaa shahaadooyin ku-meel-gaar ah guddonsiiyey Lix (6) Xisbi oo cusub oo ka mid noqon doona xisbiyada sida ku-meel-gaarka ah u diiwaan-gashan. Munaasabada shahaadooyinka lagu guddonsiiyey xisbiyada cusub ayaa ka dhacday xarrunta dhexe ee GMDQ ee Magaalada Muqdisho 7/10/2020.

Xisbiyada la diiwaan-geliyey ayaa kala ah:

1. Xisbiga Amniga iyo Cadaaladda.
2. Xisbiga Qaransoor
3. Xisbiga Cadaaladda iyo Dib U heshiisiinta
4. Xisbiga Jamhuuriga Soomaliyeed
5. Xisbiga Cagaaran ee Soomaaliyeed
6. Xisbiga Nabadda iyo Midnimada

Maxamed Maxamuud Xasan Sandheere oo ah Agaasimaha xafiiska Diiwaan-geliyaha xisbiyada ayaa furitaankii xaflada hadal kooban ka jeediyeey isaga oo soo dhoweeyay dhammaan xisbiyada cusub

### TUSMO

- **GMDQ oo Shahaadooyin Ku-Meel Gaar ah Guddonsiiyey Xisbiyo Cusub.**
- **Gudoomiya GMDQ oo ka qeyb gashay shirka Golaha Amniga iyo Nabadgalyada Midowga Africa.**
- **Gudoomiya GMDQ Xaliima Ismaciil oo la kulantay safiirka Dawaladda Sweden ee Soomaaliya.**
- **Hawl-wadeenada Xaafisyada Guddiga ee Gobollada Dalka oo kaga qeyb-galay Dhuusamareeb Tababar ku saabsan Diiwaan-gelinta Xisbiyada.**

eee ku soo biiray xayndaabka siyaasadda kuwa oo doonaya in ay ka qeyb-galaan doorashooyinka dalka ka dhici doona. Wuxuu sidoo kale kula dardaarmay xisbiyada in ay u diyaar garoobaan diiwaan-gelinta rasmiga ah marka dib-u-eegista lagu sameeyay Sharciga Aksaabta uu ansixiyo Madaxweynaha JFS. Waxaa kale oo uu aad ugu adkeeyay in ay ka wada shaqeeyaan sidiid doorashooyin dimuqraadi ah waddanka looga hir-gelin lahaa 2024. Dhinaca kale Xisbiyada oo ay gudoomiyeeyashoodu ka hadleen munaasabada ayaa ka mahad-celiyey sidiid hufneyd ee uu GMDQ ula shaqeeyey intii ay ku guda jireen hawlaха diiwaan-gelinta .

Mid ka mid ah gudoomiyeeyashii goobta ka hadlay ayaa yiri "aad ayaan ugu faraxsanahay in maanta aan ka mid noqono xisbiyada sida ku-meel-gaarka ah uga diiwaan-gashan dalka, waxaana dooneynaa in dalku ka baxo nidaamka wax qeybsiga beelaha

una gudubno nidaam dimuquraadi ah oo xisbiyo badan leh".

Gabagabadii munaasabadda ayaa waxaa ka hadlay guddoomiyaha GMDQ, Marwo Xaliima Ismaaciil Ibraahim oo sheegtay in xisbiyada kaalin muhiim ah ku leeyihii horumarka siyaasadeed ee dalka, jiritaankooduna uu ka tarjumayo horumar laga sameeyay dimuqraadiyadda ayna mudantahay in la dhiirri-geliyo. Guddoomiyaha ayaa sidoo kale sheegtay in doorashada tahay mas'uuliyad wadareed ayna tahay in xisbiyadu kaalintooda ka qaataan. Ugu danbeyntii ayay xisbiyada xasuusisay in ay ku dadaalaan sidii ay ku noqon lahaayeen xisbiyo rasmi ah oo ku tartama doorashada soo socota.

## **Gudoomiyaha GMDQ oo ka Qeyb Gashay Shirka Golaha Amniga iyo Nabadgalyada Midowga Afrika.**

Sebteembar 24,2020 - Gudoomiyaha GMDQ Marwo Xaliima Ismaaciil ayaa maanta kaga qayb gashay aalada maqal-aragga shirka Golaha Amniga iyo Nabadgalyada Midowga Afrika, iyadoo ka warbixiyay hawlihii mudada dheer soo socday ee Guddiga Madaxabanan ee Doorashooyinka Qaranka ka shaqeynayay oo ahaa qabashada doorasho qof iyo cod ah. Sidoo kale waxaa ka warbixisay muhiimada ay leedahay in la helo geedi socod mudeysan oo lagu xaqijinayo Doorasho toos ah inay ka qabsoon-to Soomaaliya



GUDOO MIYAH A GMDQ OO KA QEYB GASHAY SHIRKA GOLAH A AMNIGA IYO NABADGAL YADA MIDOWGA AFRIKA.

## **Gudoomiyaha GMDQ Xaliima Ismaciil oo la kulantay Safiirka Dawaladda Sweden ee Soomaaliya**

Sebteembar 30,2020- Gudoomiyaha GMDQ Xaliima Ismaaciil ayaa xafiskeeda ku qaabishay safirka Dowladda Sweden ee Soomaaliya Amb. Staffan Tillander. Safirka iyo Gudoomiyaha ayaa ka wada-hadlay xaaladihii u dambeeyay ee arrimaha doorashooyinka Soomaaliya iyo isbadelladii dhacay.

Waxaa sidoo kale ay ka wada-hadleen geedi socodka dimoqaraadiyadeynta Dalka iyo tageerada Sweden ay ka gaysanayso dhismaha iyo tayanta Guddiga Madaxabannan ee Doorashooyinka Qaranka oo aasaas u ah geedi-socodka hanaan doorasho oo dimoqoraadi ah oo ka qabsooma Soomaaliya mustaqbalka.



GUDOO MIYAH A GMDQ XALIIMA ISMACIIL OO LA KULANTAY SAFIRKA DAWALADDA SWEDEN EE SOOMAALIYA

## Hawl-wadeenada Xaafiisyada Guddiga ee Gobollada Dalka oo kaga qeyb-galay Dhuusamareeb Tababar ku saabsan Diiwaan-gelinta Xisbiyada

Septeembar 6,2020-Tababar soconayay muddo seddex maalmood ah oo uu soo qaban-qaabiyay Guddiga Madaxabanaan ee Dooroshooinka Qaranka ayaa loogu qabtay Magaalada Dhuusamareeb ee Caasimadda Galmudug hawl-wadeenada Xaafiisyada Guddiga ee dowlad-gobolleedyada dalka.

Tababarkaan ayaa loogu tala galay in kor loogu qaado aqoonta iyo xirfada shaqo ee hawl-wadeenada ee la xariirta sidii ay awood ugu yeelan lahaayeenn hawlaха diiwaan-gelinta Xisbiyada dalka, tababarkaan waxaa qabtay xaafiska diiwaan-gelinta xisbiyada ee guddiga, waxaa uuna ku soo aaday xillii dhaawaan wax-ka-bedal lagu sameeyay Sharciga Xisbiyada.

Tababarka ayaa diirada lagu saaray habraacyada iyo sharchiyada loo baahan yahay in la fuliyo si ay xisbiyadu u gaaraan diiwaan-gelin rasmi ah. Ku simaha Madaxweynaha Galmudug ahna Gudoomiyaha Bar-lamaanka Md. Maxamed Nuur Gacal iyo Gudoomiyaha GMDQ Xaliima Ismaaciil ayaa si wada jir ah u furay tababarka.

Ugu danbayn, Dr Maxamed Nuur Gacal ayaa Gudiga Dooroshooinka Qaranka ku dhiiri galiyay howlaha ay u hayaan bulshada Soomaaliyeed si hore loogu mariyo geedi-socodka dimoqraadiyanta dalka, loona gaaro doorasho xor iyo xalaal ah.



HAWL-WADEENADA XAAFIISYADA GUDDIGA EE GOBOLLADA DALKA OO KAGA QEYB-GALAY DHUUSAMAREEB  
TABABAR KU SAABSAN DIIWAAN-GELINTA XISBIYADA